

ITOITZ. Ingurua ezagutzea eta bertako herritarrekin harremana sendotzea ditu helburu

Gaur hasiko da Itoitzekiko Elkartasuna taldeak antolatutako mendi martxa

Urtero egiten den kanpaldiaren ordezkoa da eta Irati eta Urrobiko bailarak zeharkatuko ditu

Arantza Gartzia | IRUÑEA

Urtegiaren mehatxupearan dauden herri eta bailaretatik iragango da Itoitzekiko Elkartasuna taldeak antolatutako mendi martxa. Urtero antolatzen den kanpaldiaren ordezkia antolatu dute Irati eta Urrobiko bailarak zeharkatuko dituen lau eguneko martxa. Gaur Agoitzen hasiko da goizeko 10:00etan eta bertan bukatuko da datorren larunbatean.

Ingurua ezagutzera ematea eta beren etxeetatik egoitzak izateko arriskuan bizi diren herritarrekin harremana sendotzea bilatu du Itoitzekiko Elkartasuna taldeak mendi martxa honekin.

Era berean, «proiektu horren burugabekeriaren aurka» protestatu eta egitasmoaren gelditzea eskatu du talde honek.

2002ko maiatzaren 29an Espainiako Auzitegi Nazionalak 1995ean hartutako Itoitz betetzeko debeku erabakia kendu zuen auto baten bitartez. Auzitegi Gorenak hiru aldiz erabakitakoaren aurka jo zuen auto horrek eta urtegia irailean betetzen hasiko direla iragarri zuen Miguel Sanz Nafarroako presidentek. Hala ere, betetze probak gutxienez hiru urtez luzatuko lirakeke, Espainiako Ingurumen Ministerioak larrialdi egitasmo bereziena ezarri diolako proiektuari.

Mendi martxan, baita ere, Iñaki Garcia Koch Itoitzekiko Elkartasuna taldeko kidea askatzeko exijituko dute, urtebete baitarama preso Iruñeko kartzelan. Kochi 1996an Itoitzko lanen aurka egindako kable moz-



JOXE LACALLE

Iñaki Garcia Koch Iruñeko kartzelan. Aske uzteko eskatuko dute mendi martxan.

EKIMENAK

Biologo batek Agoitz inguruko fauna eta florari buruzko azalpenak emango ditu gaurko etapan

keta leporatzen diote, Itoitzekiko Elkartasuna taldeko beste zazpi kideei bezala.

Martxan zehar ekintza ugari egingo dituzte

Gaur goizeko 10:00etan Agoitzetik hasiko da martxa, eta batez beste sei orduko iraupena izango du etapa bakoitzak.

AMAIERA

Itoitzen bazkaldu ondoren, bertatik Agoitzera jende katea abiatuko da larunbatean arratsaldeko sei etan

Gaurko bazkaria Errala parajearen izango da, eta egunean zehar bertako biologo batek inguru horretako fauna eta florari buruzko azalpenak emango ditu. Arizkurenen bukatuko da gaurko etapa, eta herrien okupazioari buruzko mahai-ingurua egingo da. Hor parte hartuko dute Lakabe, Artanga, Errala

eta Uli herri okupatueto hainbat biztanlek.

Bihar Arizkurendik Orotz-Betelura abiatuko dira parte-hartzaileak. Bertan Itoitzko urtegiaren egitasmoaren gaur egungo egoeraz eztabaida izango da, eta inguru horretako biztanleek parte hartuko dute.

Abuztuaren 30ean Orotz-Betelutik Labakeraino helduko dira mendizaleak. Artozki herrian dantzak eta herri kirolak izango dira eta Lakaben rock kontzertua egingo da.

Larunbatean, martxaren azken egunean, Lakabetik abiatuta eta Itoitzen bazkaldu ostean, arratsaldeko 18:00etan jende katea antolatu da Itoitzetik Agoitzera.

Gaintxurizketako bailara «defendatzearen alde» ibilaldia egingo dute Lezotik Oiartzunera irailaren 22an

Erredakzioa | DONOSTIA

Baiona-Donostia Eurohiria egitasmoaren baitan Gaintxurizketan 200 hektareako parke logistiko industrialera eraiki nahi dutela salatu dute Lezoko Autobiaren Aurkako Herri Ekimenak eta AHTren Aurkako Asanbladak. Hori gauzatuko balitz «nekazaritzako ingurune baliotsu honen suntsiketa ekarriko luke», salatu dute bi talde horiek.

Protesta egin eta informa-

zioa zabaltzeko ibilaldi informatibora deitu dute irailaren 22rako; ibilaldia goizeko 10:00etan abiatuko da Lezoko Udaletxetik eta 13:30ean Oiartzunen amaituko da. «Egitasmo horiek Gaintxurizketan kaltegarriak inguruak bertatik bertara ikusi eta garraiorako poligono eta azpiegitura handien hedapen txikitzaileari gure gaitzespena adierazi nahi diogu», diote prentsa oharrean Lezotik Oiartzunera ibilaldiaren antolatzaileak.

Bi talde horiek, era berean, salatu nahi dute Lanbarren eremuan hasi dituztela jada lanak: «Uda honetan hasitako lanen ondorioz, jadanik, inguru guztian baso mozketak egin dute, eta errearen kanalizazioarekin batera lur mugimenduei ekin diete».

Oiartzungo Udalaren jarrera salatu dute ibilaldiaren bultzatzaileak: «Era lotsagarrian ibar honetako lur ez-urbanizagarriak 'industriarako lur urbanizagarri berezi' gisa errekalifi-

katu zituen, baita Arañaburu errekarri balio ekologikoa eta babesa aitortzen zizkieten izendapenak ezabatu ere».

Era berean Gipuzkoako Foru Aldundiak Baiona-Donostia Eurohiria proiektuaren bidez zonaldean «egin nahi duen txikizioa arbuiazen» dute. Bi talde horien usten Gaintxurizketan «proiektu kaltegarrien ugalketa katastrofikoa areagotzen ari da».

Hori guztia salatze deitu dute irailaren 22ko martxara.

HIRIGINTZA

Altzan 3.000 etxe egiteko proiektua berriz aurkeztuko duela dio Elorzak

Erredakzioa | DONOSTIA

Auditx Akularreko (Donostiako Altza auzoan) hirigintza proiektua berriz ere plenoan aurkeztuko duela jakinarazi zuen atzo Odon Elorza Donostiako alkateak. Hirigintza proiektu horren bidez Altzan 3.000 etxebizitza (horietako 2.500 inguru babes ofizialekoak) eraiki nahi ditu Elorzak.

Elorzak PPri eskatu dio «berriz azter» dezan proiektu honen inguruan orain arte izan duen jarraera. Izan ere, PPk proiektu hau atzera bota ostean hautsi zen PSE-EEk eta PPk Donostian osatzen zuten gobernu taldea.

Orduko proiektuari «zuzenketak» egingo dizkiola esan zuen atzo Elorzak. Oposizioak «ezinbesteko» ikusten dituen aldatetarako egingo ditu, «Donostiak ezinbestekoa baitu etxebizitzaren alorrean eragingo duen operazioa». Zentzu horretan dei egin zion EA-EAJri proiektua bultzatzea dezan.

Altzako herritarrek proiektuaren aurka daude

Altza XXI herritar taldea behin eta berriz agertu da proiektu horren aurka. Donostiako Plan Orokorra aldatu egin beharko litzatekeela uste dute.

Talde horretatik salatu dute herritarrek parte hartu behar dutela egitasmo berriak diseinatzeko orduan: «Koherentzia eman behar zaio Altzak daukan egoera urbanistikoiari; Udalak gehiegikeriak onartu ditu azken urteetan Altzan eraikuntzaren alorrean».

Bertan 40.000 lagun bizi direla gogorarazten dute talde horretako kideek. Horientzako bizitza kalitatea berreskuratu behar dela aldarrikatzen dute: «Kalitatezko gune libre, azpiegitura egokiak, gazteen aisialdi beharrei behar bezala erantzutea, aparkalekuak...».

Azken batean, Altzatik bertatik egindako plana aldarrikatzen dute, «Udalarentzat Altza beste behar batzuk dituen hiri baten periferia baino ez baita».